

# Tā tātou pūnaha mō te hauora me te hauātanga

## Hauora taiwhenua

He motuhake ngā take hauora ka pāngia te hunga noho tuawhenua, tēnā i te hunga noho taone. He hirahira kia mōhio te pūnaha mō te hauora me te hauā ki ēnei take, e tika ai te kawenga ā muri ake nei.

### He aha e panonitia ana? He aha ai?

Ka uua te haere ā-tinana atu a te hunga noho tuawhenua ki ngā ratonga hauora, ā, ka uua ake te toro i ngā mātanga me ngā manaakitanga a te hohipera. I ētahi taone he uua te whai wāhi atu ki ngā ratonga hauora māori. Hei tāpiri atu ki tēnā, ka uua ake mō te hunga kore ipurangi, te hunga kore pūkenga matihiko te tiaki I a rātou anō, te toro rānei ki ngā ki ngā kōwhiringa kua hoatu ki tangata kē. . Ko ēnei katoa ngā take i tino uua ake te whai i ngā hua pai o te hauora mō te hunga noho tuawhenua.

Mā ngā panonitanga ki te pūnaha hauora e tino rongo ai ngā hapori tuawhenua i ngā hua pai. Hei tauira:

- mā te whakatūnga ake o tētahi Māori Health Authority ka nui ake te taunaki mō ngā hapori tuawhenua Māori ki te waihanga me te hāpai i ngā ratonga kaupapa Māori
- mā te whakawhiti atu ki te anga hononga ā-takiwā ka tino āhei te waihanga mai a ngā whakahauamanu matua me ngā whakahauamanu hapori e hāngai ana ki ngā hiahia me ngā take matua o te hunga noho tuawhenua
- mā te whakawhiti atu ki ngā hononga mātanga me ngā hononga hōhipera ka nui ake te hokihoki a te hunga tuawhenua ki ēnei ratonga huri noa i te whenua
- mā te aronui ki te whakamahi i te hangarau hei tautoko i te whakahauamanu matihiko, ka wātea ake te ara a te hunga tuawhenua ki ngā mātanga, i ngā wā ka pīrangī rātou.

### Ka pēhea tōna āhua ā mua?

Ka hāpaitia tonutia ngā hapori tuawhenua e ngā mātanga hauora nō te ohu mahi mōhio. Ka nui ake te tautoko ki ēnei mātanga hauora ki te kawe i te whakahauamanutanga ki te hapori, ā, ko ngā hiahia me ngā take matua o te hapori te pū o te waihanganga mai o te whakahauamanutanga. Kia tapirihia ki tēnā, ka arongia nuitia te whakamahinga o te hangarau kia nui ake ngā kawenga mā te matihiko i ngā wā e tika ana. Ka nui ake te tūhonotanga o te kawe a te whakahauamanutanga a te hapori , kia haere ngātahi te tangata me āna ake toipitopito ki ngā ratonga rerekē.

Ki te hiahia ngā hapori tuawhenua ki te toro i te hōhipera, i te whakahaumanutanga mātanga rānei, ka mārakerake ake te mōhio ki ngā ratonga e ahei ana, e rite tonu ana te toro atu, ā, ki hea hoki kawea ai ēnei ratonga.

## He aha ā muri ake nei?

He mahi tonu hei mahi mō te taha ki te whakatinanatanga o te pūnaha hou. Ka whai wāhi mai ngā mātanga hauora tuawhenua, ngā kiritaki, ngā whānau me ngā hapori, ki ngā mahi pēnei i tēnei:

- me pēhea tātou e whakatipu ai tā tātou ohu mahi tuawhenua kia toka te oranga tonutanga o te whakahaumanu
- me pēhea tātou e mātua whakarite ai te aro o te waihanga mai a ngā whakahaumanu matua me ngā whakahaumanu hapori ki tā te hapori e hiahia ai
- mā te hangarau matihiko e nui ake ai te toro ki te whakahaumanutanga mō ngā hapori tuawhenua.

## Kei te pīrangī ki ētahi anō kōrero?

Ko te roanga ake o ngā whakamārama e pā ana ki tēnei mahi me te ahunga o ngā waihanga hou mō te hauora kei te pae tukutuku a DPMC, kei te wāhi mō te Transition Unit:

[www.dpmc.govt.nz/our-business-units/transition-unit](http://www.dpmc.govt.nz/our-business-units/transition-unit)